

فيديو # ٦٣٥ من مقاطع حظر التجول تدبر سورة الطور # ٢ الآية

٤-٩

فاضل سليمان

السلام عليكم ورحمة الله وبركاته اهلا بحضراتكم. في المقطع رقم خمسية ستة وتلاته من مقاطع حظر التجول والحلقة الثانية من حلقات تدبر سورة الطور ارجو من حضراتكم تجبيوا المصاحف وامبارح تدبرنا اول تمن ايات - [00:00:01](#)

في سورة الطور وشفنا ان ربنا توعد الكفار بيوم البعث والحساب ثم بعد ذلك يعني توعد الكفار بيوم البعث والحساب في اخر آية في الذاريات ثم بعد ذلك اقسم خمس اقسام في اول سورة الطور ان العذاب في هذا اليوم المذكور في سورة الذاريات - [00:00:35](#) لن يكون له دافع. اقرأ معي الآية ستين في الذاريات. وكمل معن في الطور بدون البسمة اعوذ بالله السميع العليم من الشيطان الرجيم. يلا. افتح لي الآية ستين في الذاريات - [00:01:02](#)

وكمل معن في الدور اعوذ بالله السميع العليم من الشيطان الرجيم. فويل للذين كفروا من يومهم الذي يوعدون والطور وكتاب مستور في رق منشور والبيت المعمور والسفف المرفوع والبحر المسجور - [00:01:16](#)

ان عذاب ربك الواقع ما له من دافع بعد كده بقى القرآن هيصور لنا مشاهد من مشاهد يوم القيمة اقرأ معن المشهد ده من الآية تسعه للآية حداشر يوم تمور السماء نورا. وتسير الجبال سيرا. فويل يومئذ للمكذبين - [00:01:36](#)

لما ربنا يقسم ان يوم القيمة سيقع اكيد اول سؤال هييجي في اذهان الناس ايه طب هو امتي؟ يعني ينفع ربنا يدينا ميعاد يدينا تاريخ ربنا هيدينا وصف لهذا اليوم لكن مش هيقول لنا الموعد - [00:02:03](#)

مش هيقول لنا التاريخ بالضبط لأننا عارفين ان ربنا احتفل بهذا الموعد لنفسه فقط ولم يطلع عليه احد ابدا في سورة النازعات ربنا بيكلم النبي عليه الصلاة والسلام بيقول له يسألونك عن الساعة ايان مرساها - [00:02:24](#)

فيما انت من ذكرها. الى ربك منتهاها. انما انت منذر من يخشاه انت شغلك تنذر اللي يخشى الخيمة. لكن مش انت اللي هتعرف هي امتي ولا حد هيعرف امتي. طيب. يبقى ربنا لم يطلع احد ابدا على موعد يوم القيمة - [00:02:43](#)

لكنه اطلعنا على مشاهد من يوم القيمة لعل الناس تردع. اقرأ بقى تسعه وعشرة. يوم تمور السماء مورا. وتسير الجبال سيرا. بالنسبة في السما ستمور. المور هو الاضطراب لما تختل بقى قوى الجاذبية اللي بتنعنع الكواكب والنجوم من الاصطدام ببعضها تحصل كوارس في السما - [00:03:01](#)

لما النجوم والكواكب بقى تشووفها كده بتصطدم ما حدش يعني يحاول يتخيل التغيرات اللي هتحصل والاضطراب اللي هيحصل في السما قدام عيون الناس اقرأ عشرة. وتسير الجبال سيرا. وقوانين الطبيعة كلها هتتغير يوم القيمة. الجبال الثابتة لن تصبح ثابتة. هي اسمها - [00:03:28](#)

رواسي مش هتبقى رواسي هتتحرك سيري الناس الجبال تتحرك انت متخيل الرعب لما الناس ترى السماء بتضطرب. والكواكب بتترطم بعض. وفي كواكب بقى تقترب من الأرض. وفي نفس الوقت الجبال الضخمة بتتحرك نحو الناس ونحو القرى - [00:03:50](#)

حداشر فويل يومئذ للمكذبين يا ويل المكذبين في اليوم ده يا ويل المكذبين اللي كذبوا بوجود الله يا ويل المكذبين اللي قالوا ما فيش الله يا ويل المكذبين اللي كذبوا نبوة محمد او نبوة عيسى او نبوة اينبي - [00:04:11](#)

في ناس لا يكذبوا بوجود الله لكن يكذبوا الرسل فويل يومئذ للمكذبين يا ويل المكذبين اللي كذبوا بيوم البعث اتناسن الذين هم في

خوضي يلعبون الناس اللي كذبت بالدين كذبت بنبوة النبي عليه الصلاة والسلام. وكذبه بوجود ربنا - 00:04:35
كانوا بيقولوا ايه في كلام بيخوضوا في امورهم اصغر بكثير من انهم يفتوا فيها الذين هم في خوض بيخوضوا بيتكلموا بكلام اكبر
منهم الذين هم في خوض يلعبون يعني بيتكلموا كلام فيه استهزاء - 00:05:02

يعني يستهزئون يلعبون هنا يعني يلعبون بالكلام سورة التوبة ولئن سألتهم ليقولون انما كنا نخوض ونلعب قل ابالله واياته ورسوله
كنتم تستهزئون ببقى اللعب بالكلام في الامور العقائدية ده استهزاء - 00:05:25

انما كنا نخوض ونلعب. يعني كنا بنهزز لا ما فيش هزار في مسائل العقيدة. ما حدش يهزز في مسائل تخص الله او اياته او رسوله وده
حاجة انا باقولها الحقيقة للناس اللي بتحب تهزز كثير وتقول نكت لأ ما فيش نكت في دي - 00:05:51

ما تهزروش في الموضوع ده اي هزار في العقيدة استهزاء تعالوا بقى نقرأ من تسعه لاتناشر على بعض يوم تمور السماء مورا. ده اليوم
اللي ربنا اتكلم عنه في اخر آية في السورة اللي قبلها في الذاريات - 00:06:06

لا يا ستين في الذاريات. فوبل للذين كفروا من يومهم الذي يوعدون. اقرأ تسعه يوم تمر السماء موت وتسير الجبال سيرا. فوبل
يومنذ للمكذبين. الذين هم في خوضي يلعبون ايه بعد كده بقى هيحصل في اليوم ده - 00:06:25

هنشوف بقى مشهدين مختلفين دلوقتي والحمد لله اتنا بنشوفهم واحنا لسه على قيد الحياة لان كل واحد فينا يستطيع دلوقتي
يختار المشهد اللي عاوز يكون فيه في يوم الحساب اقرأ بقى ابتداء من الآية تلتاشر كده - 00:06:48

اقرا معى من تلاتاشر لستاشر خلي بالك هم مشهدين. هنقرامهم وكل واحد بقى يختار هو عايز يخش ايه. زي بالزبطة اللي واقفين كده
في السينما وكل واحد يختار فيلم يدخله. انت هتختر - 00:07:07

من تلاتاشر لستاشر يوم يدعون الى نار جهنم دعا. هذه النار التي كنتم بها تكذبون افسحر هذا ام انتم لا تبصرون؟ اصلوها فاصبروا او
لا تصبروا سواء عليكم انما تجزون ما كنتم تعملون - 00:07:21

ده مشهد المشهد الثاني بقى اقرأ من سبعتاشر لاربعة وعشرين ان المتقين في جنات ونعميم فاكهين بما اتاهم ربهم ووقاهم ربهم عذاب
الجحيم كلوا واشربوا هنئا بما كنتم تعملون متكفين على سرر مصفوفة. وزوجناهم بحور عين. والذين امنوا واتبعتهم - 00:07:43

بایمان الحقنا بهم ذريتهم وما التناهم من عملهم من شيء كل امرئ بما كسب رهين. وامدناهم بفاكهة ولحم مما يشتهون يتنازعون
فيها كأسا لا لغو فيها ولا تأثير ويطوف عليهم غلمان لهم كأنهم لؤلؤ مكنون - 00:08:14

دول المشهددين بتوع يوم الحساب. يلا كل واحد بقى في الدنيا يختار مشهد منهم يدخل انت بتختار ما حدش بيجرك تدخل ايه
تعالوا نشوف بقى المشهد الاول كده وندرسه بعد كده ندرس المشهد الثاني عشان نقدر في الآخر احنا عاوزين ندخل ايه ؟ الموضوع
بایدك على فكرة - 00:08:40

اقرا معى الآية تلاتاشر يوم يدعون الى نار جهنم كلمة رهيبة هم اكيد لما هيشفوفوا النار هيرجعوا لورا اكيد مش هيقبلوا عليها يعني.
فلازم يتزقوا لازم حد يزق بقى. هم بيرجعوا ورا وحد عمال يزق فيهم - 00:08:58

بيزقهم ناحية النار اتدع ورد في سورة الماعون. ارأيت الذي يكذب بالدين فذلك الذي يدعى يتيم يعني بيدفع اليتيم. امشي يالا عايز
ايه ؟ يلا امش هم بقى هيتزقوا ناحية النار. بيتزقوا زق ناحية النار. اقرأ معى تلاتاشر اربعناشر خمسناشر - 00:09:21

يوم يدعون الى نار جهنم دعا. هذه النار التي كنتم بها تكذبون افسحر هذا؟ ام انتم لا تبصرون؟ ايه الاخبار النار اللي كنتم بتكتزبوا
بوجودها وبتقولوا بلاش خرافات طلعت سحر برضو زي ما انت بتقولوا على الكلام ده على القرآن سحر - 00:09:44

في سورة الاحقاف اخر سورة في ال حميم اخدناها ربنا قال واذا تتنى عليهم اياتنا بينات قال الذين كفروا للحق لما جاءهم اللي هو
القرآن هذا سحر مبين كانوا بيقولوا على الوحي سحر - 00:10:07

وكانوا بيقولوا عننبي ساحر وكل رسول انتقال عليه كده. ارجع في الذاريات للآية اتنين وخمسين. معلش عشان خاطري. ارجع هنقرأ
كذا حاجة في الذاريات. فسيب اللي في ايدك دلوقتي - 00:10:28

لذاريات الصورة اللي قبلها اتنين وخمسين ربنا بيقول ايه؟ في اتنين وخمسين كذلك ما اتي الذين من قبلهم من رسول الا قالوا سحر

او مجنون كل رسول جه انتقال عليه نفس الكلام. سحر او مجنون - [00:10:40](#)

ارجع كمان بقى للاية عشرين وواحد وعشرين في الذاريات وفي الارض ايات للموقنين وفي انفسكم افلا تبصرون؟ اتسألا السؤال ده [00:10:57](#)
قبل كده. هو انتم ما بتشوفوش ولا ايه لو كنتم نظرتم في ايات الله - [00:10:57](#)

اللي في انفسكم واللي في الارض كنتم ابصترتم الحقيقة ولم تكذبوا ولم تقولوا ساحر اقرا بقى في الطور سورة الطور اربعه عشرة
وخمسة عشرة هذه النار التي كنتم بها تكذبون. كانوا بيذكروا بآيات الله ومنها النار - [00:11:18](#)

هذه النار التي كنتم بها تكذبون. افسحر هذا طلعت ايات الله سحر. طلع القرآن سحر ام انتم لا تبصرون فاكررين السؤال اللي سألتهوه ثم
بقي يدعون في النار يعني يتزقوا فين - [00:11:39](#)

في البحر المسجور اللي ربنا اقسم به. بحر النار ويقال لهم ايه؟ اقرا في الاية ستة عشر اصلوها وهم بيترموا فاصبروا او لا تصبروا
سواء عليكم انما تجزون ما كنتم تعملون. اصلوها يعني اتشووا فيها يلا. اتشووا - [00:11:59](#)

اللي ما كانش بيضر في الدنيا يصبر بقى في النار صبر ما صبرش مش فارقة اصلوها فاصبروا او لا تصبروا سواء عليكم مش فارقة
شوف الجمال حتى في انتقاء الالفاظ - [00:12:18](#)

الاية خمسة عشر الاية ستة عشر تصبرون اللي مش هيضر هضر في الدنيا يضر الحق بقلبه. اللي مش هيضر الحق بقلبه في الدنيا لازم
بقي يروح بقى في الدار يصبر او ما يضرش - [00:12:39](#)

مش فارقة طبعاً مقصود بها مش البصر الطبيعي لأن فيه ناس مش مبصرين مكفوفين. معنا على فكرة في الدروس بتاعتنا ديت
عددتهم ما شاء الله كبير معنا. ولكنهم مبصرين للحق - [00:12:55](#)

وهناك مبصرين نظرهم ستة على ستة لكنهم اه على قلوبهم وعلى اعينهم غشاوة لا يروا الحق. طيب طب ليه بقى مش فارقة؟ ليه
ربنا بيقول سواء عليكم؟ صبرتم ما صبرتوش مش هتفرق ليه - [00:13:09](#)

ان ربنا قال لنا ما له من دافع ما فيش حاجة اسمها حد هيشر. يا جماعة مش قادر مش قادر اصبر. فيخرجوه. لا مش هيخرجوه مش
هتفرق. صبر ما صبرش مش فارقة - [00:13:26](#)

سواء عليكم ليه؟ عشان العذاب الواقع ده ما له من دافع لا صريح هيئنفع ولا صوبيت هيئنفع ولا استنجاد هيئنفع ولا اي حاجة كمل الاية
ستة عشر. انما تجزون ما كنتم تعملون. ده جزءكم على اللي انتم عملتهوه. ما حدش بيزلهم النهاردة - [00:13:38](#)

نشوف بقى المشهد الثاني اختاروا سبعة عشر المشهد بيبدأ اول حاجة بانه بيحدد لك مين اللي هيدخل ان المتقين في جنات ونعميم ان
اسلوب توكيده ربك نفسه بيؤكده ان المتقين في جنات ونعميم - [00:14:00](#)

اه بس ده منهم ناس لسة عايشين لحد دلوقتي. ازاي ربنا يقول ان هم في جنات ونعميم؟ المفروض ربنا يقول بقى يعني يعني المتوقع
يقول ايه ان المتقين سيدخلون جنات ونار. ان المتقين - [00:14:27](#)

في جنات ونعميم فيهم ناس لسة عايشة وعندهم مشاكل وبيواجهوا مصايبهم هناك خلاص بالفعل ضمنت لهم اللي ضمنها لهم ايه؟
تقواهم وصبرهم شوفوا يا جماعة نعم يعني متع الآخرة - [00:14:41](#)

لما تأتي كلمة نعم مقتنة لما تيجي لكلمة نعم هتلaci دايماً مقتنة بالآخرة. لم تأتي كلمة نعم مع الدنيا. الا مرة واحدة وهنشوفها
دلوقتي اللي جه مقتنة بالدنيا كلمة متع - [00:15:06](#)

والمتع يعني متع وقتية في سورة الرعد ربنا قال وفروا بالحياة الدنيا وما الحياة الدنيا في الآخرة الا متع. يعني لما نقارن الدنيا
بالآخرة تبقى متع مش نعم المتع مؤقت - [00:15:25](#)

في سورة الانبياء متع الى حين المتع مؤقت في سورة القصص وما اوتitem من شيء فمتع الحياة الدنيا وزينتها وما عند الله خير
وابقى. يبقى متع الحياة الدنيا ما هواش ابقي ما ببيقاش - [00:15:48](#)

متع زائل متع الدنيا زائل ثروة بيوت قصور سيارات كله زائل انما الجنة فيها النعيم المقيم المرة الوحيدة اللي ذكر فيها لفظ النعيم
مقتنة بالدنيا هي اخر مرة ذكر فيها لفظ النعيم في القرآن الكريم - [00:16:09](#)

سورة التكاثر ثم لتسألن يومئذ عن النعيم ليه ؟ لأن الناس ترى متع الدنيا نعيم مش انتم شايفينها يا نعيم ؟ خلاص عملت ايه بقى بالنعيم ده ؟ شكرت النعمة ولا كفرت النعمة - 00:16:33

فذكرت كلمة نعيم هنا لتشجيع كفر الناس لتباعهم لتعظيم الكفر. كفر النعمة طيب. اقرأ بقى الآية تمنتasher احنا الآية سبعة عشر كلمة عن الناس اللي داخلة. مين هم ؟ ان المتقين في جنات ونعيم - 00:16:52

فاكهين بما اتاهم ربهم ووقاهم عذاب الجحيم. فاكهين وتقرأ ايضا فاكهين يعني متلذذين يشعرون بالسعادة الفاكهة بتدخل اللذة والفاكهه بتدخل السعادة. الفاكهة. فدول بقى فاكهين بما اتاهم ربهم. يعني بيتلذذوا بنعيم الله - 00:17:16

ووقاهم ربهم عذاب الجحيم اللي هم مين ان المتقين الله المتقين اتقوا العذاب فربنا وقاهم منه يعني في النهاية كل شيء يرجع الى الله تتوه فيتوب هو عليك تستغفر فيغفر لك هو - 00:17:45

ذنوبك مش هتغفر كده او تomaticك. لا ربنا يغفرها لك تنتقي فيقيك هو فوقاهم ربهم ووقاهم ربهم عذاب الجحيم الحديث القدسي خلي بالك انت لازم انت دايما تاخد الخطوة الحديث القدسي - 00:18:14

اذا تقرب العبد الي شبرا تقربت اليه ذراعا اذا تقرب الي ذراعا تقربت منه باعا اذا اتاني يمشي اتيته هرولة بس انت اللي تبدأ الخطوة الاولى انت لازم تخطوها نحو الله - 00:18:36

الآية تمنتasher كلوا واشربوا هنئا بما كنتم تعملون تعبتوا في الدنيا صمتم جئتم لأنكم مكان ما كانش معكم وما مدتوص ايديكم على الحرام اكتفيتم بالقليل الحال اللي عندكم. يلا كلوا واشربوا هنئا بما كنتم تعملون - 00:18:59

عشرين متكئين على سرر مصفوفة وزوجناهم بحور عين. متكئين دليل على الراحة. جلسة مريحة امرأة العزيز اعدت للنسوة ايه ؟ اعدت لهم متكئا جلسة مريحة ما فيش كمان بقى خلي بالك من حاجة - 00:19:28

قاعددين وما فيش حد قاعد لوحده ما فيش شعور بالوحدة الناس قاعدة كابلز وزوجناهم بحور عين نساء المؤمنين في الجنة حور عين. يعني على درجة شديدة من الجمال عين يعني عيونهم واسعة وده من - 00:19:51

علامات الجمال وفي نساء اخريات ربنا هيخلقهم في الجنة ايضا لأن مش الكل كان متجوز. في نساء اخريات ربنا هيخلقهم ايضا لكن الحور العين بتنطبق على نساء المؤمنين ايضا وكذلك الرجال ايضا سيكونوا على درجة كبيرة من الجمال. ما فيش حد ما فيش راجل هيبقى قاعد في الجنة مع زوجته بالفانلة الداخلية ومامسك الريموت يعني - 00:20:15

بتاعة الدنيا دي ؟ لا لا لا. الطاهر ابن عاشور بيقول حور صفة لنساء المؤمنين في الجنة وهن النساء اللاتي كن ازواجا لهم في الدنيا. ان كنا مؤمنات. اذا كانوا مؤمنات هيدخلوا بيكوا حورين - 00:20:40

وما ومن يخلقهن الله في الجنة لتعمة الجنة. فهناك نساء اخريات تخلق ايضا في الجنة وما يقال فيهن يقال في الرجال من ازواج النساء الصالحات. والرجالات كمان هيبقوا حلوين خلاص يعني الدخول كابلز - 00:20:59

ما حدش هيدخل الجنة لوحده لأن الانسان يأتني بحد قاعد معه وبيتكلم معه يعني في انس هذا من النعم والجنة ما فيش نعمة مش موجودة فيها. كل النعم موجودة في الجنة - 00:21:19

واحد وعشرين والذين آآ واحد وعشرين بقى عايزه تركيز او فيها كم معاني خطير والذين امنوا واتبعتهم ذريتهم بایمان الحقنا بهم ذريتهم وما التناهم من عملهم من شيء كل امرى بما كسب رهين - 00:21:37

قلنا الجنة ما فيش فيها غم خالص الجنة درجات واحد قاتل في سبيل الله وجاهد واستشهد في سبيل الله. ده مش زي اللي كان بيسقي الناس ميه الاثنين عمل صالح. بس ده مش زي ده - 00:22:00

سورة التوبية اجعلتم سقاية الحاج وعمارة المسجد الحرام. كمن امن بالله واليوم الآخر وجاهد في سبيل الله لا يستوون عند الله. الدنيا مش ابيض واسود يا جماعة لا ده فيه - 00:22:17

وكل حاجة لها تمن وكل حاجة لها جزاء واحد قاعد راكب في الطيارة درجة اولى. واولاده قاعددين في الدرجة السياحية. مش قاعددين معه مش هيبقى مبسوط يبقى مغموم نفرض ان اب - 00:22:34

دخل الجنة في درجة عالية جداً وله تلات أولاد كل واحد منهم في درجة مختلفة. كمان يعني حتى مش مع بعض برضه كل واحد بقى

حسن عمله الاية دي بتقول - 00:22:54

ان هيتعمل ابجريد للثلاث عيال بحيس يبقو معه في نفس الدرجة بتاعته يستمتع بصحبته الشرط الوحيد انهم يبقو مؤمنين علشان

يبقو من اهل الجنة اقرا واحد وعشرين وشف الدقة والذين امنوا واتبعتهم ذريتهم بایمان - 00:23:10

خلي بالك ايمان نكرة ما قالش واتبعتهم ذريتهم باليمان. لأ بایمان نكرة الحقنا بهم ذريتهم وما التناهم من عمله من شيء. ايمان نكرة

يعني اي ايمان مش لازم درجة عالية قوي - 00:23:32

اي ايمان مقبول مبروك يتعمل له ويطلع يقعد مع بابا فوق طب ولو ابنه كافر وراح النار مش هيتفم؟ لأ مش هيتفم. ليه؟ لأن بتنقطع

عرى القرابة دي الدرجات الصلة الصلات متعلقة بالله خلاص - 00:23:52

انما بتنقطع عرى القرابة والصلة تماماً بالكافار. ربنا قال لسيدنا نوح ايه؟ قال يا نوح انه ليس من اهل انه عمل غير صالح. فسيدنا نوح

لن يأسى على ابنه اللي في النار - 00:24:12

مش هيزع عليه ده. هو يمكن في الجنة مش هيفتكره اصلاً خلاص القرابة بتبقى على اساس الايمان وليس على اساس الدم في

الآخرة لكن لو ابنه دخل الجنة بس مش معه - 00:24:29

مش هيستمتع يبقى مغموم لأن ابنه موجود بس مش معه ربنا قال لو حد من الذرية كان عنده ايمان اي درجة من درجات الايمان

هيتعمل له ابجريد وربنا يجمعه مع اهله فوق - 00:24:44

واحد وعشرين الحقنا بهم ذريتهم وما من عملهم من شيء من غير ما يعني ربنا هيجمعهم باهله من غير ما ربنا ينقص حد فما فيش

حد هينزل درجة عشان يبقى مع قرائيه. لأ. اللي تحت هو اللي هيطلع فوق. بس هنا فيه شبهة - 00:24:59

ايه بقى يعني انا يتعمل لي ابجريد واستمتع اكتر من اللي انا استحقه لمجرد ان ابويها في درجة عالية ايه زنب الناس اللي في نفس

الدرجة بتاعتي اللي ما لهمش اهل في الدرجات الاعلى - 00:25:19

ما يتعملهمش ابجريد هم ليه فاهمين يا صديق؟ الجنة مائة درجة كما ورد في الاحاديس الصحيحة مثلاً خد بقى مثال سامي في

اعلى درجة في الجنة كان شخص محترم جداً واستشهد في سبيل الله ودخل بقى ايه اعلى درجة في الجنة - 00:25:35

ابن احمد الدرجة رقم سبعين مصطفى زميل ابنه احمد في المدرسة كان احسن من احمد ابنه بكثير جداً وكان بقى بيصلني الفجر في

المسجد كل يوم وبيطعم الفقراء. كان ممتاز الواد يا عيني ما شاء الله عليه - 00:25:59

وبيغض البصر كل حاجة مصطفى زميل احمد ده دخل الدرجة رقم اتناسن. خلي بالك بقى. سامي في درجة واحد هنا واحد ابنه هنا

في الدرجة رقم سبعين. مصطفى زميل احمد في الدرجة اتناسن. هيتعمل لمصطفى ابجريد - 00:26:19

ويبقى مع سامي ابوه واسف لاحمد ابريد ويبقى مع سامي ابوه والواد اللي في في اتناسن ده هيفضل زي ما هو هنا بقى ايه فين

العدل بقى كمل الاية واحد وعشرين - 00:26:39

كل امرى بما كسب رهين بنقراتها دايماً ومش فاهمينها. ايه علاقتها بالاية دي درجة نعيم كل واحد هتبقى زي ما هي على قد عمله ايه

كون ان في ناس الحق باهله في درجات اعلى - 00:26:54

فده علشان اهلهم يتنعموا بصحبتهم. اللي في الدرجات العالية. لكن درجة النعيم بتاعة احمد اللي في الدرجة سبعين هيفضل يتنعم

بنفس الدرجة دي ازاى؟ ما هو معه اهله خلاص ما ممكن انا وانت تكون قاعدين بنأكل كنافة - 00:27:18

ودرجة استمتعاي بها غير درجة استمتعاك انت بها. احنا الاثنين بنستمتع بنفس الحاجة وفي نفس الوقت لكن مش بنفس القدر. قدر

النعيم هيختلف. لأن كل امرى بما كسب رهين كلمة رهين زي رهينة ما يقدرش يغير وضعه - 00:27:35

المتحكم في عمله عملك الصالح وايمانك وعبادتك في الدنيا هي اللي هتحدد تعمك في الآخرة حتى لو انت الحقت بابوك وامك في

درجة عالية اقرا اتنين وعشرين وامددناهم بفاكهة ولحم مما يشتهرون - 00:27:56

في ناس بقى بتقول لي انا باقفل من الكلام ده والله واحد قال لي انا مش عامل ده كله وعمال اصلي في المسجد وباعامل

الناس عشان في الآخر روحوا الجنة كل لحمة وفاكهه - 00:28:21

قلت له انت بتشتغل ايه ؟ قال لي انا في الجامعة وما بتشتغلش لا ما بتشتغلش انا في الجامعة في ناس في الجامعة بتشتغل هنا. نعم في الجامعة وانت عندك عربية ؟ اه. عندك ايه ؟ عندي بي ام - 00:28:33

وعشان كده انت لو كنت فقير وما بتشوفش اللحمة الا في العيد كان هيفرق معك الاية دي قوي لو كنت ما بتشوفش المانحة اللي عند بداع العصير من الناحية على الرصيف - 00:28:45

تفرق معك الاية دي ؟ فربنا قال وامدناهم بفاكهه ولحم مما يشتهرون الزرقاء ما عملتش كليك معك هتعمل كليك مع ناس محرومة من الطعام الطيب في الدنيا مع فقرهم هم تعففوا وما مدوش ايديهم - 00:28:58

لا على الحرام ولا مدوا ايديهم عشان يشحتوا ثلاثة وعشرين يتنازعون فيها كأسا لغو فيها ولا تأثير. يعني ايه يتنازعون ؟ في الجنة تنازع ازاي ؟ ناس بتحطف من بعض الحاجة في هو في نقص في الكؤوس في الجنة ؟ يا جماعة لا - 00:29:16

لما ربنا الحق بالناس ذريتهم هيلعبوا بقى مع بعض تعال بقى جدو لما اسمهم ايه دول احفاده يطلعوا فوق راسه ويهزروا معه ويشدوك كده ويشدوهم ويلاخي يخطف الشوكولاتة منهم وهو كده هيلعبوا مع بعض عائلات بتلعب مع بعض بيخطفوا الاكل والشرب من بعض - 00:29:37

نزار يتنازعون فيها كأسا كلمة كأس يعني كأس خمر. تطلق على كأس الخمر لما تكون مليانة خمر بس مش زي خمر الدنيا. لا لغو فيها ولا تأثير فيها شتائم ولا فيها خناق ولا حد هيحب اللي في بطنه بقى ويرجع والكلام خالص - 00:29:56

خالص والاصحاب والقرابي يهزرروا مع بعض ويخطفوا من بعض ويرشوا على بعض وحاجات زي كده يعني مسلا واحدة اسلمت في عائلة كبيرة في هولندا لاكثر بلد فيها كراهية للاسلام. وعيتها اعترضتها - 00:30:18

وعاشت لوحدها على الايمان وماتت لوحدها هل دي هتدخل الجنة لوحدها الدخول خلاص في سورة الزخرف ادخلوا الجنة انتم وازواجكم تحبرون. الكل هيتجاوز فاللي ما اتجاوزش هيتجاوز اللي اتجاوز جوازة اي كلام هيتجاوز جوازة كويسيه - 00:30:38

آآ الفاكهة لحمة كؤوس بتقدم كل ده اوه في ستات بقى ابتدت تقلق لحمة وفاكهه ومين بقى اللي هيقوم بيفسح الفاكهة ومين بقى اللي هيقدم اللحمة ويقعد يطبخ لحمة احنا هنشتغل كمان في الآخرة ولا هتقول لي ان الرجاله هي اللي هتشتغل - 00:31:02

يشتغل امال ايه اقرا اربعة وعشرين ويطوف عليهم غلمان لهم كأنهم لؤلؤ مكنون طريقة تقديم في منتهي الشياكة. جارسونات على سنجة عشرة زي اللؤلؤ عيال زي اللولي بيلمعوا هم اللي هيتسرسوا على الناس ويقدموا كل حاجة للمؤمنين والمؤمنات - 00:31:21

ويطوف عليهم غلمان لهم كأنهم لؤلؤ مكنون اللهم اجعلني واجعل كل اهل هذا التدبر من اهل الجنة ونتوقف هنا الليلة اللهم انا نسألك حبك وحب من يحبك وحب كل عمل يقربنا الى حبك. اللهم ما رزقنا ما نحب فاجعله قوة لنا فيما تحب. وما - 00:31:48

عنا ماما نحب. فاجعله فراغا لنا فيما تحب اللهم اجعل حبك احب اليها من اهلينا واموالنا ومن الماء البارد على الظماا اللهم حبنا اليك والى ملائكتك وانبيائك ورسلك وعبادك الصالحين. واجعلنا ممن يحبك ويحب ملائكتك - 00:32:12

وانبيائك ورسلك وعبادك الصالحين اللهم احيي قلوبنا بحبك واجعلنا لك كما تحب. اللهم اجعلنا نحبك بكل قلوبنا. ونرضيك بكل احسادنا اللهم اجعل حبنا كله لك وسعينا كله في مرضاتك. اللهم اجعل القرآن الكريم ربيع قلوبنا ونور - 00:32:36

صدورنا وجلاء احزاننا وذهاب همومنا ومحفظة ذنوبنا اسأل الله العلي العظيم ان يجعل هذا التدبر في ميزان حسناتي وحسناتكم جميعا اللهم فاطر السماوات والارض عالم الغيب والشهادة انت تحكم بين عبادك فيما كانوا فيه يختلفون. فبحق - 00:33:03

في كل حرف في كتابك تلوناه او تدبرناه اكفنا واهلينا واخواننا واخواتنا شر كل من يكيد لنا ولهم واحفظنا واياهم من شرورهم ونجعلك اللهم في نحورهم انت الوكيل ولا حول ولا قوة الا بك - 00:33:28

الله بحق كل حرف في كتابك تلوناه او تدبرناه. ايد بنصرك المرابطين في الارض المباركة فلسطين وكن مع اخواننا في تركستان. وانصرهم وانصر من نصرهم واخذل كل من خذلهم وطهر المسجد الاقصى من الدنس فانه - 00:33:48

لا يعجزونك اللهم من قضى منا باللوباء المنتشر فاكتبها له شهادة. ومن كان منا او من احبابنا او من اخواننا او من اخواتنا او من

00:34:08 مشايخنا او من علمائنا مريضا به او حاملا له فالبسه ثوب الصحة والعافية عاجلا غير اجل -

ومن لم يصب به فقه شره وابعده عنه ولا تسلطه الا على اعدائك واعداء دينك واعداء اوليائك اللهم انك تعلم ان هذه القلوب قد

00:34:27 اجتمعت على كتابك وعلى محبتك والتقت يا ربنا على طاعتك وتوحدت على دعوتك وتعاهدت على نصرة شريعتك -

فوثق اللهم رابطتها. وادم ودها واهدها سبلها. واملأها بنورك الذي لا يخبو. واشرح صدورها بفيض ايماني بك وجميل التوكل عليك

00:34:52 واحيها يا ربنا بمعرفتك وقامتها يا مولانا على الشهادة في سبيلك -

انك نعم المولى ونعم النصير. والسلام عليكم ورحمة الله وبركاته. ونراكم غدا باذن الله في نفس هذا الموعد ان كنا من اهل الدنيا -

00:35:12